

兒童權利小組委員會會議

有關「兒童對政府的期望」的意見書

Reyes Dane Izz Gregorio

我叫韋愛思，英文名 Reyes Dane Izz Gregorio，你可以叫我 ICY。我係菲律賓人，而家係一間主流中文小學讀 5 年班。成間學校得我同細佬 2 個既屋企係唔識講中文既，其他同學都係華人。一年級個陣有同學話因為我皮膚既顏色同佢地唔同所以唔鐘意我，我個陣覺得唔開心同好孤獨。

但係我都想留係呢間學校因為我想讀好中文。我覺得中文好重要因為我係香港生活，而香港大部份人都係講中文。如果我讀英文學校咁我既中文就會學得唔好。

四年班下學期既時候老師幫我地報左一個係第二間學校度上既中文班，第一堂有 D 大學既哥哥姐姐黎同我地玩遊戲，第二堂開始老師將我同細佬放係同一班。雖然老師好好人，但上堂教個 D 野太淺，佢成日問我呢個係咩顏色，但呢 D 我幼稚園已經學左。所以呢 D 堂冇咩用。

今年中文堂既劉老師好好人，作文既時候佢會叫我坐係老師枱隔離，我唔識生字既時間佢會直接教我，唔會話我同問我點解唔識。除左中文堂之外其他科全部都係中文，例如常識堂既專題報告要用中文打字，功課好深但係唔係日日都問到老師，放學之後學校冇功課班，所以每日放學都要補習姐姐黎屋企教我地做功課。

我今日黎唔只係為左自己，仲有我細佬 Kiel 同其他非華語學生。如果政府可以幫我地，希望佢可以令老師學識點教非華語同學，知道同接受有 D 同學唔係華人，所以學得會慢 D。希望老師可以用善良既態度教我地，如果一唔識就鬧，我地就唔會知道自己唔識 D 咩，咁就永遠都會學唔識。

多謝大家聽我講野。